



MehloDi Ya Thuso

# Story Power - Tlisa matla a pale ka lapeng

Ho kena kgabong: Pheta pale!


Ntho ya bohlokwa ka ho fetisisa eo o ka e etsang ha o balla bana ke ho natefelwa ka bowena hobane ha o etsa jwalo, ba tla ithuta hore ho bala ke ketsahalo e monate. Ha ho na ditsela tse nepahetseng kapa tse fosahetseng tsa ho balla bana, empa dikeletso tse mmalwa ke tsena tsa ho ballana dibuka mmoho le bana.

## Neng?

1. Arolelanang dipale ka nako tseo ho tsona bana ba hao ba kgonang ho dula ba iketile, jwalo ka kamora ho hlapa kapa pele ba robala bosiu.
2. Bana ba banyenyane kapa bana ba kgathetseng hangata ba thatafallwa ke ho tsepamisa maikutlo ka nako e telele, kahoo o se ke wa bala nako e telele haholo.

## Hokae?

1. Fumana sebaka se kgutsitseng, seo ba ka phutholohang ho sona bakeng sa ho bala. Tima dikhomputa kaofela, di-TV le diradiyo!



## RE PHETELE PALE YA HAO

Dibuka le dipale di bopile jwang bophelo ba hao le maphelo a bana ba hao? Na di o thusitse ho hlalosa maemo a thata ho ngwana hao? Kapa na ho sibolla pale eo o e ratang ho kgothaditse bana ba hao ho bala mme ho ba thusitse ho ntlafatsa ho bala ha bona sekolong? Re bolelle ho Facebook ([www.facebook.com/nalibaliSA](http://www.facebook.com/nalibaliSA)), kapa Twitter ([www.twitter.com/nalibaliSA](http://www.twitter.com/nalibaliSA)) o sebedisa hashtag #StoryPower, mme re tla hlalosa ho tlatsitso ya ho-balla-boithabiso ya Nal'ibali kapa websaeteng ya rona kamoo dipale di bileng le kgahlamelo kateng bophelong ba hao.

T: +27 (21) 448 6000

E: [info@nalibali.org](mailto:info@nalibali.org)

[www.nalibali.org](http://www.nalibali.org)

[www.nalibali.mobi](http://www.nalibali.mobi)

[f nalibaliSA](https://www.facebook.com/nalibaliSA)

[@nalibaliSA](https://twitter.com/nalibaliSA)

[@nalibaliSA](https://www.instagram.com/nalibaliSA)



# Jwang?

1. Dulang le atamelane hore le tle le kgone ho bona ditshwantsho le mantswe a leqepheng ka bobedi ba lona.
2. Qala pele ka ho bala lebitso la mongodi (le la motshwantshi) hore bana ba tle ba eellwe hore dibuka di ngotswe ke batho ba tshwanang le bona!
3. Bala o bontsha maikutlo ka sefahleho le mmele kamoo o ka kgonang – bana ba hao ba tla e thabela!
4. Fumana ditsela tsa ho ba kenyeletsa paleng ha o ntse o bala. Ho etsa mohlala, ba botse hore ba nahana hore ho tlo etsahala eng, buisanang ka se seng sa ditshwantsho kapa ba kope hore ba o phetlele maqephe.
5. Eketsa kutlwisiso ya bona ka ho botsa, “Ntho eo e o hopotsa eng?” “Ha o nahana ke hobaneng a ile a etsa jwalo?” le “Wena o ne o tla etsang?” Dipotso tse kang tse na di thusa ho hokahanya dipale le maphelo a bana mme di ba thusa ho sibolla mokgwa oo dipale di tsamayang ka ona.
6. Haeba bana ba hao ba o kopa hore o bale pale hape ... le hape, etsa jwalo! Ba tla sibolla dintho tse ntjha mabapi le pale eo nako le nako ha o e bala. Ha ba ntse ba utlwisisa pale ho feta, ba meme hore ba e bale mmoho le wena.
7. Ha bana ba hao ba se ba tseba ho bala, o se ke wa tlohela ho ba balla! Kgetha dibuka tse thatafallang le tse rarahaneng ho feta tseo ba kgonang ho ipalla tsona. Ha le bala dibuka tsa dikgaolo mmoho, le bale kgaolo e le nngwe kapa tse pedi letsatsi ka leng kapa o fumane karolo e nngwe moo le ka emisang teng e le hore bana ba hao ba tle ba batle ho kgutla hape hosane ho tla utlwa ho tswela pele!



**SABC**  
**EDUCATION** 

**T:** +27 (21) 448 6000

**E:** info@nalibali.org

 [www.nalibali.org](http://www.nalibali.org)

 [www.nalibali.mobi](http://www.nalibali.mobi)

 [nalibaliSA](https://www.facebook.com/nalibaliSA)

 [@nalibaliSA](https://twitter.com/nalibaliSA)

 [@nalibaliSA](https://www.instagram.com/nalibaliSA)

